

Na osnovu člana IV.B.7. a)(IV) Ustava Federacije Bosne i Hercegovine, donosim

UKAZ **O PROGLAŠENJU ZAKONA O IZMJENAMA ZAKONA** **O OBAVEZNIM OSIGURANJIMA U SAOBRAĆAJU**

Prolašava se Zakon o izmjenama Zakona o obaveznim osiguranjima u saobraćaju, koji je usvojio Parlament Federacije Bosne i Hercegovine na sjednici Predstavničkog doma od 11. i 12.03.2026. godine i na sjednici Doma naroda od 21.04.2026. godine.

Broj 01-02-1-247-01/26

07. maja 2026. godine

Sarajevo

Predsjednica

Lidija Bradara, s. r.

ZAKON **O IZMJENAMA ZAKONA O OBAVEZNIM** **OSIGURANJIMA U SAOBRAĆAJU**

Član 1.

U Zakonu o obaveznim osiguranjima u saobraćaju ("Službene novine Federacije BiH", br. 57/20 i 103/21), član 11. mijenja se i glasi:

"Član 11.

(Uslovi osiguranja i tarife premija osiguranja)

- (1) Društvo za osiguranje koje obavlja vrste osiguranja iz člana 2. stav (1) ovog zakona dužno je propisati uslove osiguranja i tarife premija za navedene vrste osiguranja i dostaviti ih Agenciji za nadzor osiguranja Federacije Bosne i Hercegovine (u daljnjem tekstu: Agencija) najkasnije osam dana od dana donošenja. Izuzetno, društvo za osiguranje je dužno, za vlastitu tarifu premija i cjenovnik za osiguranje od autoodgovornosti iz člana 2. stav (1) tačka b) ovog zakona, iste dostaviti Agenciji radi davanja prethodne saglasnosti najkasnije 60 dana prije početka primjene.
- (2) Agencija izdaje saglasnost iz stava (1) ovog člana u roku od 30 dana, ako su tarifa premija i cjenovnik za osiguranje od autoodgovornosti u skladu sa propisima o osiguranju, aktima Agencije, aktuarskim načelima i pravilima struke.
- (3) Uz tarifu premija iz stava (1) ovog člana društvo za osiguranje dužno je Agenciji dostavljati i:
 - a) tehničke osnove koje upotrebljava pri utvrđivanju tarifa premija,
 - b) pozitivno mišljenje ovlaštenog aktuara o adekvatnosti tehničkih osnova i premija koje se izračunavaju za rizike koji se preuzimaju u osiguranju, te o njihovoj mogućnosti za trajno ispunjavanje svih obaveza društva za osiguranje iz ugovora o osiguranju,
 - c) dokaz o formiranju dovoljnih tehničkih rezervi za osiguranje.
- (4) Agencija će propisati kriterije iz stava (2) ovog člana koje su društva za osiguranje dužna primjenjivati u izračunavanju tarife premija iz stava (1) ovog člana.
- (5) Agencija može naložiti kao mjeru nadzora korekcije cjenovnika uslova osiguranja i tarifa premija ukoliko utvrdi da oni nisu usaglašeni sa ovim zakonom, aktima Agencije, aktuarskim načelima i pravilima struke.
- (6) Društvo za osiguranje dužno je uslove osiguranja iz stava (1) ovog člana učiniti javno dostupnim.
- (7) Obavezno osiguranje od autoodgovornosti može se zaključiti na period kraći od godine dana samo u skladu s

uslovima i tarifi premije osiguranja iz stava (1) ovog člana."

Član 2.

U članu 74. u stavu (1) u tački d) broj "(10)" zamjenjuje se brojem "(5)".

U stavu (3) u tački c) riječi "st. (1), (3), (8) i (9)" zamjenjuju se riječima "st. (1) i (3)", a u tački d) riječi "stav (11)" zamjenjuju se riječima "stav (6)".

Član 3.

U članu 76. st. (3) i (4) brišu se.

Član 4.

U članu 78. stav (3) broj "(5)" zamjenjuje se brojem "(4)".

Član 5.

Ovaj zakon stupa na snagu narednog dana od dana objavljivanja u "Službenim novinama Federacije BiH".

Potpredsjedavajuća
Predstavničkog doma
Parlamenta Federacije BiH
Dr. sci. Azra Okić, s. r.

Predsjedavajući
Doma naroda
Parlamenta Federacije BiH
Tomislav Martinović, s. r.

Temeljem članka IV.B.7. a)(IV) Ustava Federacije Bosne i Hercegovine, donosim

UKAZ **O PROGLAŠENJU ZAKONA O IZMJENAMA ZAKONA** **O OBAVEZNIM OSIGURANJIMA U PROMETU**

Prolašava se Zakon o izmjenama Zakona o obaveznim osiguranjima u prometu, koji je usvojio Parlament Federacije Bosne i Hercegovine na sjednici Zastupničkog doma od 11. i 12.3.2026. godine i na sjednici Doma naroda od 21.4.2026. godine.

Broj 01-02-1-247-01/26

07. svibnja 2026. godine

Sarajevo

Predsjednica

Lidija Bradara, v. r.

ZAKON **O IZMJENAMA ZAKONA O OBAVEZNIM** **OSIGURANJIMA U PROMETU**

Članak 1.

U Zakonu o obaveznim osiguranjima u prometu ("Službene novine Federacije BiH", br. 57/20 i 103/21), članak 11. mijenja se i glasi:

"Članak 11.

(Uvjeti osiguranja i tarife premija osiguranja)

- (1) Društvo za osiguranje koje obavlja vrste osiguranja iz članka 2. stavka (1) ovoga zakona dužno je propisati uvjete osiguranja i tarife premija za navedene vrste osiguranja i dostaviti ih Agenciji za nadzor osiguranja Federacije Bosne i Hercegovine (u daljnjem tekstu: Agencija) najkasnije osam dana od dana donošenja. Izimno, društvo za osiguranje je dužno, za vlastitu tarifu premija i cjenik za osiguranje od automobilske odgovornosti iz članka 2. stavka (1) tačka b) ovoga zakona, iste dostaviti Agenciji radi davanja prethodne saglasnosti najkasnije 60 dana prije početka primjene.
- (2) Agencija izdaje saglasnost iz stavka (1) ovoga članka u roku od 30 dana, ako su tarifa premija i cjenik za osiguranje od automobilske odgovornosti u skladu s propisima o osiguranju, aktima Agencije, aktuarskim načelima i pravilima struke.
- (3) Uz tarifu premija iz stavka (1) ovoga članka društvo za osiguranje dužno je Agenciji dostavljati i:
 - a) tehničke osnove koje upotrebljava pri utvrđivanju tarifa premija,